

四明叢書

張宗祥



梅讀先生存藁卷六

贈翰林侍講學士加贈南京吏部右侍郎楊自懲

正統十一年春自京師謁告歸省所作

早朝

是年元旦立春

玉漏將殘曉箭催重重閭闔白天開旌旗影裏春風動
韶濩聲中暖律回蠻貊朝宗歸治化臣僚祝頌罄涓埃
宮筵宴罷龍顏喜散作陽和遍九垓

給假後喜家書到

十月河冰合家書久不通平安今始得愁悶一時空蘭

桂香方藹椿萱景尙融

長歸寧也

有優詔鞍馬快春風

朱瑩昆季以子歸有日邀予兄弟到南郭園亭

酌別酒酣遂寫以贈

薰風聯轡出都城暫憩園亭興趣清紅雨落花情戀戀
綠陰啼鳥語嚶嚶主人對酒難爲別客子停轅未忍行
便欲於斯從老圃卻纔身是繫簪纓

積慶堂爲陳仲延作

世人積金待高價手執牙籌論不暇借使黃金積累多
子孫不肖將如何君家餘慶綿綿積信是先人曾種德

不須爲利日孳孳仁義存心自豐殖姚江家世幾千載
餘韻流風久猶在瓜瓞綿綿愈碩延芝蘭燁燁生文彩
邇來旅寓潞河濱肯堂肯構高嶙峋斗酒千錢恒好客
囊金百鎰長同貧嗟我平生久遊宦邂逅登堂覲君面
爲題詩句警采苗繼繼繩繩惟積善

潞河曉發

四月十一日

曉發潞河濱波香草正春推蓬猶望闕放棹欲寧親行
李不如舊衣冠頗覺新呼兒供小酌談笑敘天倫

守陳奉和

畫舫出陽濱汀花雨後春舉觴黃鳥鳴開幔白鷗親季
父棄書舊嚴君冠帶新明朝拜重屢歡榮世無倫

舟中端午

幾載端陽客帝鄉今年喜得泛歸航持盃正想斑斕舞
拂袖猶聞縹渺香禁鼓朝鐘聲尙近燕山越水路何長
往來只爲浮名絆卻被沙鷗笑我忙

守陳奉和

客路行行指故鄉順風流水送輕航懸蓬艾葉垂垂綠
隔浦荷花冉冉香萬里浮雲山尙遠一簾晴日晝偏長

萊衣且奉菖蒲酒不管篙師理棹忙

歸家

客夢到親闈斯須便覺非昨朝猶遠別今日始眞歸忽
睹雙絲鬢重披五彩衣歡聲滿庭院台鼎不須希
爲客常無賴歸家頗得宜柳塘風淡淡花院日遲遲掃
石閑眠處臨流獨坐時悠然得眞趣未肯顧公期

郊行

不過營湖二十春小橋流水路還馴耕童不識衣冠制
笑道烏紗別樣中

雨過郊原綠樹新
草香泥軟不生塵
舊時行處尤夷熟
不必停車去問津

野外招提憶往回
久要耆舊總成灰
小童不識曾遊客
報道催租官又來

雨餘村路浥塵沙
風信初終紫楝花
鷄犬聲聞在何處
綠陰林麓野人家

寄繡衣林延舉

攜手都門日相違
又一年交情雲聚散
人事月虧圓
恨比江南水心懸
冀北天何時菊花下
尊酒共陶然

寄林廷臯

旅寓同談笑家居歎別離情深千里共義在兩心知柏
府風清日薇垣月滿時應知秋景好慎勿誤佳期

記年

今年五十三漸覺鬢星添負米心無倦辭金志頗廉一
經難致用三徑未容潛塵鞅何時脫林泉自養恬

寄友人

一別十年多百年能幾何空聞黃鳥語不見白駒過幽
徑筍成竹閑庭草長莎頻頻爲芟掃秋景又蹉跎

花香竹影

十年重過紫陽庭
花竹相看眼倍青
春好不妨蜂課蜜
晝闌應有鳳儀形
月陰滿地人超俗
風信環軒德並馨
正欲於斯同嘯詠
獨慚飄轉易雙萍

花竹人多愛
唯君尙影香
轉移恒有節
薰染自無芳
杖履時芬馥
琴樽日蔭涼
清風明月夜
吟賞勝尋常

卽景

自春及夏無多雨
自夏逢秋又少晴
耕種失時苗不秀
田家何以望收成

正統十四年三月自家赴京待選紀行之作

曉發西壩

三月初七日

棹發西津埭清江一帶斜輕煙籠柳岸新水浸汀沙念
念方懷國行行漸離家倚檣回首處堂上鬢雙華

晚次梁湖

西津方掛席瞬息到盱江風俗多趨利歌聲已變腔暮
雲藏驛舍殘月入蓬窗客思雖無賴家醅尙滿缸

弟自忝和

解纜猶鄞水收帆已越江嘔啞市人語款乃棹歌腔幾

處帘垂戶誰家鐙映窗怡怡同笑語乘興倒春缸

到西興

弭棹西陵渚推蓬日已殘居人晡後睡行客夜中餐
漠漠煙光淡蒼蒼曙色寒長江如練靜一葦度非難

過錢塘江

遇征處州大軍經過無舟可倩幸林
繡衣以雙舟相送十六日在枯樹灣

起身

武林佳麗地物色正春陽弱柳何相繫閑花空自香
南征師入境北濟客無梁邂逅知心者方舟遠送將

到皂林

嘉禾朝解纜，薄暮到桐鄉。漁火分江碧，山雲謫月黃。
舊遊心不忘，新別恨何長。爲感汀洲鴈，分飛作兩行。
憶自
也

弟自愈奉答

天邊鴻去遠，孤雁在江鄉。夜月兼葭白，秋風禾稻黃。
慈烏心共切，反哺意偏長。來歲春陽動，遲歸共一行。

次蘇州

帆疾追飛鳥，舟便藉榜人。山川猶昔日，草樹正芳春。
但念親庭遠，寧辭客路貧。吳門風月好，吟賞興清新。

泊楓橋

萬室輿梁次孤舟夕照中
翩翩南去燕渺渺北歸鴻
聞闔門前月寒山寺裏鐘
往來成感慨何日免憧憧

到橫林

寂寞橫林夜其如感慨何
親庭初隔遠客路正奔波
未盡還家夢俄驚發棹歌
推蓬正衣坐無奈曙寒多

到孟瀆河口次日過揚子江

長江天設險客棹慣經過
風正帆無恙潮平水不波
驛亭紅掩映山寺碧嵯峨
瞬息瓜州壩斜陽未下坡

到揚州

鶯棹雖無定停舟似到家風波頗辛苦情興也清嘉斗
野亭前酒蕃禧觀裏花偷閑且歡賞莫問客程賒

高郵湖口

曉發高郵口蓬開眼界賒湖光涵杜若柳色帶蒹葭新
水吞滄海孤帆背綠霞故鄉行漸遠還望獨咨嗟

寶應驛前

暴雨平湖上孤舟曲岸隈居人方艤旣遊客正徘徊溝
水深成壑川雲暗作堆鄉知宰斯土相遇正御盃

淮安羅家溝

淮鄉多富庶客棹暫相維連壁金湯固交衢物色熙
招尋多舊友談笑有新知詩酒閑消遣舟行未可期

三义河

清淮水迢遞雨過碧如苔望海思驤首乘流愧曝腮
鱗鴻何處覓蝴蝶夢中回願駐桑榆景義和且莫催

到古城

客舟初繫纜驛舍已張燈親老一憂喜身勞每戰兢
霞消天色暝雨過水痕增行役微名累低頭愧野僧

皂河至邳州

河中新水足空外片帆飛沙鳥聲何碎江蘿綠正肥行
舟隨處泊遊子幾時歸呼取蘭陵酒微吟對夕暉

至新安驛

驛路幽燕接長河秦楚分野花開自落山鳥不堪聞夜
倚孤蓬月朝瞻一片雲驅馳爲王事寧敢憚辛勤

過呂梁洪

山川多險峻無過呂梁難兩岸羅危石中流沸激湍瞿
塘猶覺易巴峽未云難乍到孤舟客驚看心膽寒

過沛縣

靡靡登天路行行漢故鄉
英雄雖寂寞遺跡尙昭彰
泗水雙馳驛歌風幾夕陽
危檣有沙燕對我說興亡

至穀亭閘

官河通漕運疏鑿自元功
隄柳青連翠郵亭碧閒紅
懸情千里月快意一帆風
率土皆朝貢舟航歷歷逢

至棗林閘

入海河流急登天路不遙
挽舟從逆水掛席待輕颺
欲擬過鄒邑那堪阻魯橋
嗟嗟遊宦子漸覺鬢星饒